



UNIVERSITÄTS-
BIBLIOTHEK
PADERBORN

Universitätsbibliothek Paderborn

Agenda, Sev Ritvale Osnabrvdense

Franz Wilhelm <Osnabrück, Bischof>

Coloniæ Agrippinæ

Litaniæ.

urn:nbn:de:hbz:466:1-41233

Notam fac mihi viam , in qua ambulem :
quia ad te levavi animam meam.

Eripe me de inimicis meis, Domine, ad te
confugi : doce me facere voluntatem tuam,
quia Deus meus es tu.

Spiritus tuus bonus deducet me in terram
rectam: propter nomen tuum, Domine, vivi-
ficabis me, in æquitate tua.

Educes de tribulatione animam meam : &
in misericordia tua disperdes inimicos meos.

Et perdes omnes , qui tribulant animam
meam : quoniam ego servus tuus sum.

Gloria Patri.

Antiph. Ne reminiscaris, Domine, delicta
nostra, vel parentum nostrorum; neque vin-
dictam sumas de peccatis nostris.

L I T A N I Æ.

K Yrie eleison.

C hriste eleison.

Kyrie eleison.

Christe audi nos.

Christe exaudi nos.

Pater de cælis Deus , Miserere nobis.

Fili Redemptor mundi Deus, Miserere nobis.

Spiritus sancte Deus , Miserere nobis.

Sancta Trinitas unus Deus, Miserere nobis.

Sancta Maria , Ora pro nobis.

Sancta

Sancta Dei genitrix ,	ora.
Sancta Virgo virginum ,	ora.
Sancte Michaël ,	ora.
Sancte Gabriël ,	ora.
Sancte Raphaël ,	ora.
Omnes sancti Angeli & Archangeli ,	orate.
Omnes sancti beatorum Spirit. ordines,	orate.
Sancte Ioannes Baptista ,	ora.
Omnes sancti Patriarchæ & Prophetæ,	orate.
Sancte Petre ,	ora.
Sancte Paule ,	ora.
Sancte Andrea ,	ora.
Sancte Iacobe ,	ora.
Sancte Ioannes ,	ora.
Sancte Thoma ,	ora.
Sancte Iacobe ,	ora.
Sancte Philippe ,	ora.
Sancte Bartholomæe ,	ora.
Sancte Matthæe ,	ora.
Sancte Simon ,	ora.
Sancte Thaddæe ,	ora.
Sancte Mathia ,	ora.
Sancte Barnaba ,	ora.
Sancte Luca ,	ora.
Sancte Marce ,	ora.
Omnes sancti Apostoli & Euangelistæ,	orate.
Omnes sancti Discipuli Domini ,	orate.

Omnes sancti Innocentes ,	orate.
Sancte Stephane ,	ora.
Sancte Laurenti ,	ora.
Sancte Vincenti ,	ora.
Sancti Fabiane & Sebastiane ,	orate.
Sancti Ioannes & Paule ,	orate.
Sancti Cosma & Damiane ,	orate.
Sancti Gervasi & Protasi ,	orate.
Sancti Crispine & Crispiniane ,	orate.
Omnes sancti Martyres ,	orate.
Sancte Silvester ,	ora.
Sancte Gregori ,	ora.
Sancte Ambrosi ,	ora.
Sancte Augustine ,	ora.
Sancte Hieronyme ,	ora.
Sancte Martine ,	ora.
Sancte Nicolae ,	ora.
Omnes sancti Pontifices & Confessores,	orat.
Omnes sancti Doctores ,	orate.
Sancte Antoni ,	ora.
Sancte Benedicte ,	ora.
Sancte Bernarde ,	ora.
Sancte Dominice ,	ora.
Sancte Francisce ,	ora.
Omnes sancti Sacerdotes & Levitæ ,	orate.
Omnes sancti Monachi & Eremitæ ,	orate.
Sancta Maria Magdalena ,	ora.

Sancta

Sancta Agatha ,	ora.
Sancta Lucia ,	ora.
Sancta Agnes ,	ora.
Sancta Cæcilia ,	ora.
Sancta Catharina ,	ora.
Sancta Anastasia ,	ora.
Omnes sanctæ Virgines & Viduæ ,	orate.
Omnes Sancti & Sanctæ Dei ,	Intercedite
pro nobis.	
Propitius esto ,	Parce nobis Domine.
Propitius esto ,	Exaudi nos Domine.
Ab omni malo ,	Libera nos Domine.
Ab omni peccato ,	Libera.
Ab ira tua ,	Libera.
A subitanea & improvisa morte ,	Libera.
Ab infidiis Diaboli ,	Libera.
Ab ira & odio, & omni mala voluntate,	Liber.
A spiritu fornicationis ,	Libera.
A fulgure & tempestate ,	Libera.
A morte perpetua,	Libera.
Per mysterium sanctæ incarnationis tuæ,	Lib.
Per adventum tuum ,	Libera.
Per Nativitatem tuam ,	Libera.
Per Baptismum & sanctum jejunium tuum ,	Libera.
Per Crucem & Passionem tuam ,	Libera.
Per mortem & sepulturam tuam ,	Libera.

Per

Per sanctam Resurrectionem tuam, Libera.
 Per admirabilem Ascensionem tuam, Libera.
 Per adventū Spiritus sancti Paracliti, Libera.
 In die iudicii, Libera.
 Peccatores, Te rogamus audi nos.
 Vt nobis parcas, Te rogamus.
 Vt nobis indulgeas, Te rogamus.
 Vt ad veram pœnitentiam nos perducere di-
 gneris, Te rogamus.
 Vt Ecclesiam tuam sanctam regere & con-
 servare digneris, Te rogamus.
 Vt domnum Apostolicum, & omnes Eccle-
 siasticos ordines, in sancta religione con-
 servare digneris, Te rogamus.
 Vt inimicos sanctæ Ecclesiæ humiliare di-
 gneris, Te rogamus.
 Vt Regibus & Principibus Christianis pa-
 cem & veram concordiam donare digne-
 ris, Te rogamus.
 Vt cuncto populo Christiano pacem & uni-
 tatem largiri digneris, Te rogamus.
 Vt nosmetipsos in tuo sancto servitio confor-
 tare & conservare digneris, Te rogamus.
 Vt mentes nostras ad cœlestia desideria eri-
 gas, Te rogamus.
 Vt omnibus benefactoribus nostris sempi-
 terna bona retribuas, Te rogamus.

Vt

Vt animas nostras, fratrum, propinquorum, &
benefactorum nostrorum, ab æterna da-
mnatione eripias, Te rogamus.

Vt fructus terræ dare & conservare digne-
ris, Te rogamus.

Vt omnibus fidelibus defunctis requiem æ-
ternam donare digneris, Te rogamus.

Vt nos exaudire digneris, Te rogamus.

Fili Dei, Te rogamus.

Agnus Dei, qui tollis peccata mundi, Parce
nobis Domine.

Agnus Dei, qui tollis peccata mundi, Exaudi
nos Domine.

Agnus Dei, qui tollis peccata mundi, Mife-
rere nobis.

Christe audi nos. Christe exaudi nos.

Kyrie eleison. Christe eleison. Kyrie elei-
son. Pater noster *secreto. Vers.* Et ne nos in-
ducas in tentationem. *Resp.* Sed libera nos à
malo.

Psalmus 69.

DEus in adiutorium meum intende : Do-
mine ad adjuvandum me festina.

Confundantur, & reveantur : qui quæ-
runt animam meam.

Avertantur retrorsum, & erubescant : qui
volunt mihi mala.

Avertantur statim erubescences : qui dicunt mihi, Euge, euge.

Exultent & lætentur in te omnes, qui quærunt te : & dicant semper, Magnificetur Dominus, qui diligunt salutare tuum.

Ego vero egenus & pauper sum : Deus adjuva me.

Adjutor meus & liberator meus es tu : Domine ne moreris.

Gloria Patri, &c.

Vers. Salvos fac servos tuos. *Resp.* Deus meus sperantes in te. *Vers.* Esto nobis Domine turris fortitudinis. *Resp.* A facie inimici. *Vers.* Nihil proficiat inimicus in nobis. *Resp.* Et filius iniquitatis non apponat nocere nobis. *Vers.* Domine, non secundum peccata nostra facias nobis. *Resp.* Neque secundum iniquitates nostras retribuas nobis. *Vers.* Oremus pro Pontifice nostro N. *Resp.* Dominus conservet eum, & vivificet eum; & beatum faciat eum in terra, & non tradat eum in animam inimicorum ejus. *Vers.* Oremus pro benefactoribus nostris. *Resp.* Retribuere dignare Domine omnibus, nobis bona facientibus propter nomen tuum, vitam æternam. Amen. *Vers.* Oremus pro fidelibus defunctis. *Resp.* Requiem æternam dona eis Domine, & lux perpetua luceat

eis.

eis. *Vers.* Requiescant in pace. *Resp.* Amen.
Vers. Pro fratribus nostris absentibus. *Resp.* Sal-
 vos fac servos tuos, Deus meus sperantes in
 te. *Vers.* Mitte eis Domine auxilium de san-
 cto. *Resp.* Et de Sion tuere eos. *Vers.* Domine
 exaudi orationem meam. *Resp.* Et clamor
 meus ad te veniat. *Vers.* Dominus vobiscum.
Resp. Et cum spiritu tuo.

Oremus.

DEus, cui proprium est, misereri semper
 & parcere: suscipe deprecationem no-
 stram: ut nos & omnes famulos tuos, quos
 delictorum catena constringit, miseratio tuæ
 pietatis clementer absolvat.

EXaudi, quæsumus Domine, supplicum
 preces, & confitentium tibi parce pecca-
 tis: ut pariter nobis indulgentiam tribuas
 benignus & pacem.

Ineffabilem nobis, Domine, misericordiam
 tuam clementer ostende: ut simul nos, & à
 peccatis omnibus exuas, & à pœnis, quas pro
 his meremur, eripias.

DEus, qui culpâ offenderis, pœnitentiâ
 placaris: preces populi tui supplicantis
 propitius respice: & flagella tuæ iracun-
 diæ, quæ pro peccatis nostris meremur,
 averte.

OMnipotens sempiterne Deus, miserere famulo tuo Pontifici nostro *N.* & dirige eum secundum tuam clementiam in viam salutis æternæ: ut, te donante, tibi placita cupiat, & tota virtute perficiat.

DEus, à quo sancta desideria, recta consilia, & iusta sunt opera: da servis tuis illam quam mundus dare non potest pacem, ut & corda nostra mandatis tuis dedita, & hostium sublatâ formidine, tempora sint tuâ protectione tranquilla.

VRe igne sancti Spiritus renas nos & cor nostrum, Domine, ut tibi casto corpore serviamus, & mundo corde placeamus.

Fidelium Deus omnium conditor & redemptor, animabus famulorum famularumque tuarum remissionem cunctorum tribue peccatorum: ut indulgentiam, quam semper optaverunt, piis supplicationibus consequantur.

Actiones nostras, quæsumus Domine, aspirando præveni, & adjuvando prosequere: ut cuncta nostra oratio & operatio, à te semper incipiat, & per te cœpta finiatur.

OMnipotens sempiterne Deus, qui vivorum dominaris simul & mortuorum, omniumque misereris quos tuos fide & ope-

re fu-

re futuros esse prænoscis : te supplices exoramus , ut, pro quibus effundere preces decrevimus, quosve vel præsens sæculum adhuc in carne retinet, vel futurum, jam exutos corpore, suscepit, intercedentibus omnibus Sanctis tuis, pietatis tuæ clementiâ, omnium delictorum suorum veniam consequantur. Per Dominum nostrum Iesum Christum Filium tuum, qui tecum vivit & regnat, in unitate Spiritus sancti Deus, per omnia sæcula sæculorum. Amen.

Vers. Dominus vobiscum. *Resp.* Et cum spiritu tuo. *Vers.* Exaudiat nos omnipotens & misericors Dominus. *Resp.* Amen. *Vers.* Et fidelium animæ per misericordiam Dei requiescant in pace. *Resp.* Amen.

His peractis, Sacerdos accedit ad lectum infirmi, & extensâ manu dexterâ, facit ter signum Crucis super eum, dicens :

IN nomine Pa⁺tris, & Fi⁺lii, & Spiritus ⁺sancti, extingatur in te omnis virtus diaboli per impositionem manuum nostrarum, & per invocationem omnium sanctorum Angelorum, Archangelorum, Patriarcharum, Prophetarum, Apostolorum, Martyrum, Confessorum, Virginum atque omnium simul Sanctorum. Amen.

Deinde, intincto pollice in Oleo sancto, in modum Crucis ungit infirmum, in partibus hinc subscriptis, aptando propriis locis verba formæ, in hunc modum.

Ad Oculos.

PER istam sanctam ✠ unctionem, & suam piissimam misericordiam, indulgeat tibi Dominus, quidquid per visum deliquisti. In nomine Patris, & Filii, ✠ & Spiritus sancti. *Resp. Amen.*

Minister vero, si est in Sacris, vel ipsemet Sacerdos, post quamlibet unctionem tergat loca inuncta, novo globulo bombacii, vel rei similis; eaque in vase mundo reponat, & ad Ecclesiam postea deferat, comburat, cineresque projiciat in sacrarium.

Ad Aures.

PER istam sanctam ✠ unctionem, & suam piissimam misericordiam, indulgeat tibi Dominus, quidquid per auditum deliquisti. In nomine Patris, & Fi ✠ lii, & Spiritus sancti. *Resp. Amen.*

Ad Nares.

PER istam sanctam ✠ unctionem, & suam piissimam misericordiam, indulgeat tibi Dominus, quidquid per odoratum deliquisti. In nomine Patris, & Fi ✠ lii, & Spiritus sancti. *Resp. Amen.*

Ad

Ad Os, compressis labiis.

PER istam sanctam unctionem ✝, & suam piissimam misericordiam, indulgeat tibi Dominus, quicquid per gustum & locutionem deliquisti. In nomine Patris, & Fi ✝ lii, & Spiritus sancti. *Resp.* Amen.

Ad Pectus.

PER istam sanctam unctionem ✝, & suam piissimam misericordiam, indulgeat tibi Dominus, quicquid per cogitationes & affectus cordis deliquisti. In nomine Patris, & Fi ✝ lii, & Spiritus sancti. *Resp.* Amen.

Nota bene, in pectore non inungi feminas, sed solos viros.

Ad Manus.

PER istam sanctam unctionem ✝, & suam piissimam misericordiam, indulgeat tibi Dominus, quicquid per tactum deliquisti. In nomine Patris, & Fi ✝ lii, & Spiritus sancti. *Resp.* Amen.

Et adverte, quod Sacerdotibus, ut dictum est, manus non inungantur interius, sed exterius.

Ad Pedes.

PER istam sanctam unctionem ✝, & suam piissimam misericordiam, indulgeat tibi Dominus, quicquid per gressum deliquisti. In nomine Patris, & Fi ✝ lii, & Spiritus sancti. *Resp.* Amen.

Ad

Ad Lumbos sive renes , ubi moris est.

PER istam sanctam unctionem ✠, & suam piissimam misericordiam, indulgeat tibi Dominus, quicquid per lumborum delectationem deliquisti. In nomine Patris, & Filii ✠, & Spiritus sancti. *Resp.* Amen.

Hac autem unctio ad lumbos, ut dictum est, omititur semper in feminis; atque etiam in viris, qui, ob infirmitatem vix, aut sine periculo moveri non possunt.

Deinde Sacerdos dicit:

Sit tibi hæc unctio Olei sanctificati, ad purificationem mentis ac corporis, & ad munitionem ac defensionem, contra sæva jacula immundorum spirituum. *Resp.* Amen.

Post hac, stupâ accensâ aut in ignem projectâ, manibusque sale pane & aqua ablutis, Sacerdos pergit:

Kyrie eleison. Christe eleison. Kyrie eleison. Pater noster, &c. *Vers.* Et ne nos inducas in tentationem. *Resp.* Sed libera nos à malo. *Vers.* Salvum fac servum tuum. (ancillam tuam.) *Resp.* Deus meus sperantem in te. *Vers.* Mitte ei Domine auxilium de sancto. *Resp.* Et te Sion tuere eum. (eam.) *Vers.* Esto ei Domine turris fortitudinis. *Resp.* A facie inimici. *Vers.* Nihil proficiat inimicus in eo. (ea.) *Resp.* Et filius iniquitatis non apponat nocere ei. *Vers.* Domine, exaudi orationem meam.

meam. *Resp.* Et clamor meus ad te veniat.
Vers. Dominus vobiscum. *Resp.* Et cum spiritu tuo.

Oremus.

Domine Deus, qui per Apostolum tuum Iacobum locutus es: Infirmatur quis in vobis? inducat presbyteros Ecclesiæ, & orent super eum, ungentes eum Oleo in nomine Domini; & oratio fidei salvabit infirmum, & alleviabit eum Dominus; & si in peccatis sit, remittentur ei: cura, quæsumus, Redemptor noster, gratiâ sancti Spiritus languores istius infirmi, (infirmæ,) ejusque sana vulnera, & dimitte peccata, atque dolores cunctos mentis & corporis ab eo (ea) expelle, plenamque interius & exterius sanitatem misericorditer redde, ut, ope misericordiæ tuæ restitutus, (restituta,) ad pristina reparetur officia. Qui cum Patre, & Spiritu sancto, vivis & regnas Deus in sæcula sæculorum. Amen.

Oremus.

Respice, quæsumus Domine, famulum tuum N. (famulam tuam N.) infirmitate sui corporis fatiscentem, & animam refove, quam creasti; ut, castigationibus emendatus, (emendata,) se tuâ sentiat medicinâ

Y

falva-

salvatum. Per Christum Dominum nostrum,
Amen.

Oremus.

Domine sancte, Pater omnipotens, æter-
ne Deus, qui, benedictionis tuæ gratiam
ægris infundendo corporibus, facturam
tuam multiplici pietate custodis; ad invoca-
tionem tui nominis benignus assiste, ut fa-
mulum tuum (famulam tuam) ab ægitudine
liberatum, (liberatam,) sanitate donatum, (do-
natam,) dexterâ tuâ erigas, virtute confir-
mes, potestate tuearis, atque Ecclesiæ tuæ
sanctæ, cum omni desiderata prosperitate
restituas. Per Christum Dominum nostrum.
Resp. Amen.

*Deinde, assumpta imagine S. Crucis, facit super in-
firmum sequentes benedictiones, dicens:*

Dominus noster Iesus Christus apud te
fit, ut te de ✠ fendat. Intra te fit, ut te
refi ✠ ciat. Circa te fit, ut te conser ✠ vet.
Ante te fit, ut te dedu ✠ cat. Post te fit, ut te
confor ✠ tet. Super te fit, ut te undique mu-
niat & bene ✠ dicat. Spiritus sanctus descen-
dat, & maneat super te. *Resp.* Amen.

Propitietur Dominus cunctis iniquitati-
bus tuis. *Resp.* Amen.

Et sanet omnes languores tuos. *Resp.* Amen.

Redi-

Redimatque de interitu vitam tuam.

Resp. Amen.

Et faciat in omnibus bonis desiderium tuum. Qui solus in Trinitate unus Deus vivit & regnat, in sæcula sæculorum. Amen. Pax tecum.

Postea extendit manum dexteram, vel, si commode potest, tangit caput ipsius infirmi, dicendo:

Sanet te Deus Pater, qui te creavit in carne.

Sanet te Filius, qui pro te passus est in cruce.

Sanet te Spiritus sanctus, qui tibi infusus est in Baptismate.

Sancta & laudabilis Trinitas, unus Deus, gratiam suam, ad profectum salutis animæ & corporis, in te augeat, & ab omni malo te liberet, ac in bono jugiter conservet. Qui vivit & regnat in sæcula sæculorum. Amen.

Ad extremum, pro persona qualitate, salutaria monita breviter præbere poterit, quibus infirmus ad moriendum in Domino confirmetur, & ad fugandas demonum tentationes roboretur; hoc fere modo:

Eliebter in Christo / die weil ihr in dieser Ewrer anligenden Noth / nach gewisser verheißung vnd zeugnuß der H. Schrifft / mit Gottes Gnaden ewre schwachheit ersetzt vnd gestärckt habt / so sollet ihr in ewrem gütigen Gott vnd seinen Gnaden getrost / wieder alle ansechtung der Sünden vnd des Teuffels dapffer kämpffen vnd streitten / vnd in keinen zweiffel setzen / der

Allmächtig Gott / der zu erbarmen mild vnd geneigt ist / werde ewre Sünden / in den vielen vnd thewren verdiensten Christi ewres Erlösers leicht verbergen / vnd ewre Mißhandlung omb Christi willen / der ihm wolgefällt / des Glied ihr worden seit / leicht vergessen / vnd könne wider alle anstellung vnd trennung des Teuffels / durch seine Gnad euch wol erhalten / daß ihr vor dem Gewalt des Feindes wol sicher bleiben werdet in Christo ewrem Erlöser / der schon zuvor den Teuffel für euch überwunden vnd krafftlos gemacht hat. In demselben ewrem Seligmacher werdet ihr wol von Sünden vnd verdammuß erlöset werden / vnd ewre Seel zu dem ewigen Leben / Freud / vnd Seligkeit erhalten mögen. Die verleihe euch vnd vns allen der Allmächtig gütig vnd Barmherzig Gott / durch Christum Jesum vnsern Herrn / Amen.

Quibus omnibus per actis, admonebit domesticos & ministros infirmi, ut, si morbus ingravescat, vel infirmus incipiat agonizare, statim ipsum Parochum accersant, ut morientem adjuvet, ejusque animam Deo commendet: sed, si mors immineat priusquam discedat, Sacerdos animam Deo rite commendabit.

DE VISITATIONE ET CVRA INFIRMORVM.



Parochus in primis meminisse debet, non postremas esse muneris sui partes, egrotantium curam habere. Quare, cum primum noverit, quempiam ex fidelibus curæ suæ commissis egrotare, non expectabit ut ad eum vocetur, sed ultro ad illum accedat, idque non semel tantum, sed sæpius, quatenus opus fuerit: horteturque parochiales suos, ut ipsum admoneant, cum aliquem in Parochia

sua